



Nuuk den 31. maj - 2018

Inatsisartut Suleriaasianni § 37 naapertorlugu Naalackersuisunut apeqquiti imaattut matumuuna saqqummiuppakka:

**Naalackersuisunut apeqquiti:**

**1. Sooq Naalackersuisut mittarfiit arlallit ataatsikkut sananissaat saqqummiuppaat - imaluunniit eqqortumik oqaatigalugu; mittarfiit arlallit ataatsikkut sananissaasa aningaasalersornissaannut sinaakkutissatut piunasaqaatit, aningaasatigut naleqartussat annertuumik, piffissap sivikittuunnaap iluani?**

Tamatumani eqqarsaatigaarput XM/2018 imm. 21.

**1 A) Sunaana taamarsuaq tuaviuttariaqartoq?**

**2. Naalackersuisut isumaqarpat siunertarisamut naleqquttuussasoq sapinngisamik amerlanerpaat isumaqataappata isumagalugulu kingunissaasa ersarissumik innuttaasunut nassuiarneqarnissaat sinaakkutissatut piunasaqaatit akuerineqartinnagit?**

- Taamaattoqarsimappat, sooq? taamaattoqarsimanngippat; tassunga suna pissutaava?

**3. Narsarsuup Kangerlussuullu qanoq pineqassasut Naalackersuisut naatsorsuutigaa?**

**3 A) Taama pisoqassappat allanngortiterinissat qanoq akeqassappat aamma misissuinerit nalunaarusiallu taakkununga tunngasut Naalackersuisut suut innersuussutigisinnaavaat?**

**3 B) Mittarfiliassat arlaariit ataatsikkut sananeqartussat aningaasalersornissaasa sinaakkutaannut allannguutit taakku ilaatinneqarpat imaluunniit immikkut aningaasalersorneqartussaassappat?**

**4. Suliat inuutissarsiutillu isertitsissutaasinnaasut, Mittarfiliortiternissamut atatilugu taaneqareersut saniatigut imaluunniit apeqquiti 10-mi suliassat taaneqartut aamma ilanngaatigalugit akileraarutigut isertitat akiliutigineqartut qulaani taaneqartunit suliانيت, suuppat Naalackersuisut ukiut tulliuuttut qulit ingerlanerit aallartinniigaat?**

- Immikkut pilersaaruteqartoqarpa mittarfiliortoqarnissaa pissutigalugu aamma aningaasalersorneqartariaqartussanik?

- Ilaqarpat piviusunngortinneqarsinnaanngitsunik mittarfiliortoqarnissaata akuerineqarnera pissutigalugu? taamaassimappat suuppat?

**5. Misissoqqissaarneqarsimanerluni nunatsinni suut aporfiit pinngorsinnaanersut pilersaarutigineqartutut sanaartorerit taama amerlatigisut amerlasuut ingerlanneqalerpata - ilanngullugit sanaartortartut akornanni, piginnaasallit eqqarsaatigalugit soorlu ingenørit, immikkut ilisimasallit il.il. kiisalu aamma qanoq iliorluni tamakku aporfiit pinngitsoortinniarneqarpat?**

**5 A) Taamaattoqarsimappat sumiippat; Naalackersuisut isumaat naapertorlugu suliassat tamakkut qanoq aaqqinneqarniarpat?**

- Immikkoortuni pineqartuni aamma sulisussat amingaatigineqarpoq soorlu Danmarkimi Islandimilu (Nationalbankip kalaallit nunaata aningaasaqarnerank misissuineri august 2017mi, qupp 13)

**6. Paaqqinnittarfiit 50-nut inissallit aamma utoqqarnut 100-nut inissallit qassit sananeqarsinnaagaluarpat mittarfiliortiternernut aningaasaliissutit tamakkiisut atorlugit?**

- Naalackersuisut taamaattut akii qanoq naatsorsortarpaat?

(Inatsisartuni ilaasortaq Tillie Martinussen, Suleqatigiissitsisut)



SULEQATIGIISITSISUT  
SAMARBEJDSPARTIET

## Tungavilersuut:

Innuttaasut 55.800-t missaaniittut (2015) ilaat 25.000-t missaat (2015) sulisinnaapput. Sulisinnaasut ikileriarnissaat taggiinerit eqqarsaatigalugit taamatullu utoqqaat amerlissamaarneranut taggiinerit kiisalu nunami maani inuttut ajornartorsiutit qiviaraanni, soorlu aamma inuusuttut ilinniartinniarnernanni ajornartorsiuteqartugut, ernumanarsinnaavoq taarsigassarsiniarnissaq Landskarsi /Aningaasanut inatsit qularnaveeqqusiisuliullugu taarsigassarsiariniarneqartunut, sualummik taarsigassarsiariniarneqartut amerlalluinnarnerat eqqarsaatigalugu. Ataani atsiortup nassaarisinnaasimanngilai inuiaqatigiit aningaasarsiornerannut aningaasaliissutissat kingunissaasa naatsorsorneqarneri aamma misissorneqarsimanngilaq siunissami pineqartut qanoq akeqassanersut ajalusoorutaasinnaasut ilanngullugit kiisalu aamma siunissami innuttaasut amerlassusissaat, ilinniarsimassutsip naliginnaasumik qaffasissusaa, inuutissarsiutinik ineriartortitsinissaq, nunani allaneersunik suliarortussanik killilersuiniarneq - taamaasillunilu tamatumap akileraarutitigut annaasaqaatigineqarnissaa aamma inuutissarsiutini assigiingitsuni isertitat appariarsinnaanerit aamma ilaatinneqangillat.

Ukiuni aggersuni annertoorsuarnik suliasaqarpugut aamma angallannerup iluani allanngortiterisussaavugut, kisianni tuaviupiluttoqarsorinarpoq tassani pilersaarutit akueritinniarnearput ullumininnguit sapaatip akunnimininnguillu ingerlanerni sukumiisunik misissuinernik tungaveqartitsigani, ersersinniarlugit kingunerussat tamaasa - aamma pisussat kinguaariit tulliisa ataatsit tungaanut.

Meeqqanut inuusuttunullu immikkoortumi inuttut ajornartorsiuterpassuit, peqqinnissaqarfimmi, utoqqarnik sullissinermi qissimikkaanni kiisalu ineqarnikkut ilinniartitaanikkullu kinguaattoornerujussuit taamatullu suliarortulik nuunniartunik killilersuiniarnerit qiviaraanni isumaqarnerusorinaraluarpoq isertitatta ilaat qulaani taaneqartunut aamma innuttaasut akornanni ajornartorsiutinut inooqataaffigisatsinnut atorneqaannartuuppata tulluarnerussagaluarpoq.

Aamma amingaatigaarput siumut isigisumik misissuisoqarnissaa eqqarsaatigereerlugit sulisinnaasut ikiliartornerat aamma sulisinnaangitsut utoqqaat amerliartornerat nutaanik mittarfiliornernut atatillugu aamma tamakku aningaasalersornissaannut atatillugu.

Aamma nuuttunut politikimik sukanerinissamut oqalunnerit, tassa siunissami aningaasalersueqataasussanut ikinnernut agguartariaqarmata aningaasartuutitigut nammatassat aamma tassunga atatillugu puigornagu akileraartut qaffattariaqarnissaat. Taamatullu aamma ilannguttariaqarput ukiut pissakilliorfiit, isertitat ikilinerannik nassataqartussat. Taarsiullugu naatsorsuutigisariaqarpoq kiffartuussinerit appartingaatsiartariaqarnissaat, aningaasaliissutitigut malinnaaniassagutta imaluunniit ineriartorneq unitsittariaqassavarput aamma aningaasaliissutit, namminersorlutik oqartussat ingerlatseqatigiiffiini pisisartunut kiffartuussinerit akii appartariaqassavagut, taakkunannga taarsigassarsianut akiliutissat tiguseriaqassagatsigit.

Ukiumut inuit 80.000-t missaasa Kalaallit Nunaannut angalasarnerat eqqarsaatigalugu imaassinnaavoq angalasut ataasiakkarlutik tamarmik akitsuutinut imaluunniit bilittinut akiliinerusalernissaat - taamaattoqassanngippalli akileraartartut ataasiakkaat tamarmik toqqaannartumik toqqaannanngitsumilluunniit akileraarnerusariaqassapput timmisartunut sulusalinnut mittarfinnik pingasunik sanaartorneq akissaqartikkumallugu, siunissami kingunerujumaartusat naammattumik ersarissaqaanngikkaluarlugit.

Malunnarpoq naammattumik ersarissarneqarsimanngitsoq innuttaasut naliginnaasut toqqaannartumik toqqaannanngitsumilluunniit mittarfiliortiternernut akileeqaataasarnissaat kiisalu aamma ukiuni qassini akileeqaataasassanersut.

Aamma ersarissarneqanngilaq angalaviit sorliit pisortanit tapiiffigineqartassanersut imaluunniit ilaasut



**SULEQATIGIISITSISUT  
SAMARBEJDSPARTIET**

qanoq amerlitigisariaqassanersut iluatsitsisoqassappat aammali paarlattuanik suut  
naatsorsuutigineqassanersut ilaasut ikileriassagaluarpata imaluunniit bilittinut akit qaffassagaluarpata

imaluunniit mittarfeqarnermut akitsuutit qaffassagaluarpata mittarfiit aningaasalersornerannut  
ikorfartuutit.

Aamma Suleqatigiissitsisuni nassaarisinnaasimanngilagut misissuinerit pitsaasut suliarilluakkallu  
takutitsisunik illoqarfiit mittarfittaarnikut qanoq ilinniartitsinerit aningaasaliiffiqineqassanersut,  
tikeraanik tikilluaqqusisarfegassanersut, takornariat ingerlariaqqissinnaajunnaartut qanoq  
pineqartassanersut, nunap iluani angalasut ingerlaqqissinnaajunnaartut qanoq pineqartassanersut il.il.  
qulaani pineqartut aningaasalersorumallugit. Tassa suut immikkut aningaasartuutit aningaasaliinerillu  
pisariaqassanersut.

Aamma iluatsinngilagut misissuinerit nalunaarutilluunniit naleqqersuussisut mittarfiliassanut  
pilarsaarutaareersunut aningaasartuutinik kiisalu nuna tamakkerlugu taarsigassarsiassanut  
pilarsaarutaareersunut taamatullu nunap avataaniik taarsigassarsiassanut taamatuttaaq aamma  
amingaatigivarput pingaarnersiuinissamut misissuineq atuuttusaq soorlu ukiunut qulinut,20-nut aamma  
30-nut.

Apeqqutit ullut suliffiit naliginnaasut qulit iluanni akineqarnissaat kissaatigaarput.

Tillie Martinussen  
Samarbejdsparitiet - Suleqatigiissitsisut